

Saturday, May 24, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

## CM IN DELHI

Chief Minister Pu Lalduhoma'n New Delhi khawpuia sawrkar laipui hotu hrang hrang hmu in Mizoram hmasawnna tur a sawi pui.

New Delhi khawpuia Rising Northeast: Investors Summit 2025-a a tel bakah Chief Minister hian nimin khan Union Home Minister Amit Shah hmu in thil pawimawh hrang hrang an sawi dun a, Mizoram Sawrkar Flagship Programme Bana Kaih (Handholding Scheme) atana Peace Dividend inpek theih a nih leh nih loh chungchang sawiin Amit Shah chuan Mizoram CM hnenah remna leh muanna a awm theih nana a tawrhna an hriatpui a ti a, Assam Rifles ram chhuahsan tura building hlui man cheng nuai 523.04 Mizoram sawrkarin a pek tur chu Home Minister hian peksak a inhuam thu a lo hrilh a. Airports Authority of India (AAI) kuta Lengpui Airport hlan chungchang pawh sawiin Home Minister chuan a rang thei ang bera chinfel a tum thu a lo hrilh a ni.

Inkawmna ah hian Mizoram DGP atana Pu David Lalrinsanga, IPS, a ranglama dah anih theih dan tur te leh MNF Sawrkar hunlaia Mizoram Legislative Assembly in a lo pass tawh The Mizoram Maintenance of Household Registers Bill, 2019 tun thlenga India President kuta la tang chungchang pawh an sawi a. Home Minister hian chinfelsak thuai a lo tiam a, Amit Shah chuan Myanmar atanga raltlante chhinchhiahna tur portal Mizoram puala an siam chu peihfel a nih tawh thu a sawi bawk.

Chief Minister chuan Mizo Territorial Army Battalion din a nih theihna tura a hmalakna avangin Home Minister hnenah lawmthu a sawi a. Ram venhimna mai piahlamah Mizo thalaite tana hna siamtu pawimawh tak a ni tih sawiin a taka kalpui a nih thuai nana Director, Intelligence Bureau nena bawh zui ngai la awm te an sawidun bawk.

**Pu Lalduhoma hian Finance Minister Pi Nirmala Sitharaman pawh hmu in Mizoram hmasawnna tur hrang hrang an sawi dun a, Chief Minister chuan Mizoram Rural Bank a Mizote a tam thei ber an luh theihna turin recruitment rules pawtfan turin Finance Minister hi a ngen a. Finance Minister chuan a ranglama lo ngaihtuah a intiam a. Mizoramin CSR Fund a tam thei ang ber a dawn theihna tura theihtawp a chhuahpui tur thu a lo hrilh a, inkawmnah ah hian Mizoram Sawrkar Flagship programme Bana KaihScheme atana sum mamawh dan te an sawidun bawk.**

**Pu Lalduhoma hian Union Minister for Jal Shakti, Pu C.R. Patil pawh hmuin Jal Shakti Ministry kaltlanga Mizoramah hmasawnna ruhrel din tûr chungchângte an sawidun a, hetah hian Mizoram Chief Secretary Pu Khili Ram Meena leh sawrkar mi pawimawh dang ten an tawiawm a, tlai lamah Union Minister of State for Education and Development of the North Eastern Region Sukanta Majumdar pawh hmuin Mizoram hmasawnna tur hrang hrang a sawipui bawk.**



## **CM : RISING NE INVESTOR SUMMIT**

**New Delhi khawpuia Bharat Mandapam-ah Ministry of Development of North Eastern Region (DoNER) buatsaih, Hmârchhak State pariatte pual Rising Northeast: Investors Summit 2025 neihah Chief Minister Pu Lalduhoma a tel.**

**He Summit pawimawh tak hi Prime Minister Narendra Modi-an nimin khan a hawng a. He hunah hian India hmârchhak biala sum peipun duhtute tân kawng hrang hranga hmalak theihna awmte phochhuah a ni.**

**He summit ah hian Ngaihven bik turte chu Thingtlang Kuthnathawh leh a kaihhnawih, Ei leh Bar Sawngbawlina, Textile, Handloom & Handicraft, Infiamna leh Intihhlamna, Zirna leh Thiamna Inchherna, Hriselna, Information Technology (IT & ITES), Tourism & Hospitality bakah Inrelbawlina leh Bungraw Thawnkualna te an ni.**

**He Summit-ah hian Mizoram Sawrkar, Planning & Programme Implementation Department kaihhruainain stall hawn a ni a. He stall-ah hian Commerce and Industries Department leh Horticulture Department hnuaia Mizoram state chhûnga thar chhuah leh siam chhuah hrang hrangte târ lan a ni. Hemi bâkah hian sum invest duh company lian palaite nêen inkâwmna hun hman a ni bawk.**

**He Summit-ah hian Mizoram aţangin mahni sumdâwnna kalpuitu pali an tel ve a, an stall hi tlawhtu pawhin an hlut hle niin thu dawn a ni.**



## **HEALTH MINISTER**

**Health Minister Pi Lalrinpuii'n Mipui health care-a inziah luh chu sub centre tina tih theih ani a ti a, June thla tawp thleng inziah luh hun hawn anih angin mipuite a tam thei ang ber inziak lut turin a sawm.**

Vawiina Ramhlun North Health Centre Building thar a hawannaah he thu hi sawiin Health Minister chuan health clinic tha tak a awm thei chu lawmawm a tih thu leh thawktu tur pawh sawrkarin a ngaihtuah dawn a, mipui tam zawk tana tangkai taka hman a nih a beisei thu a sawi a. Mipui Health care registration chu sub centre ah tih tur a nih avangin theihtawpa mipuiah hrilhhriat an ngai tih sawiin June thla thleng chauh registration hun hawn a nih dawn avangin theihtawp chhuahpui turin a sawm nghal bawk a ni.

Bialtu MLA leh Minister ni bawk Dr. Vanlalhlana pawhin thusawiin hetiang a Ramhlun North mipui tana Health centre building tha tak a awm ta hi lawmawm a ti a, a chhunga hmanrua tur pawh theih ang anga ngaihtuah a, hb test-na pawh a pek nghal tur thu a sawi.

Health Centre sak nan hian Sawrkar atanga hmuh cheng nuai 2, sing 9 bakah Ward Corporator Pi C. Lalchhandami chuan Property Tax Return atangin cheng nuai 4 thawh belhin building tha leh changtlung tak hi sak a ni.



## PAC

Public Accounts Committee (PAC) chuan Leader of Opposition leh PAC Chairman Pu Lalchhandama Ralte hovin Khawzawl an tlawh a, District Hospital inenkawl dan leh inkaihhrui dan chungchang an enfiah a ni.

PAC hian nimin khan DC Auditorium-ah Khawzawl Bawrhsap Pu K. Vanlalhlana, District Hospital hotute leh Health Department hotute an kawm a, damdawiin hmalakna, damlo enkawl na khawl leh damdawi neih zat leh an enkawl dan te leh staff an neih zat leh office inkaihhrui dan te an zawt a, Damdawiin hotute chuan chhanna tha takin an pe thei a, an mamawh te leh an veizawng te pawh an thlen bawk a ni.

PAC te hian District Hospital an tlawh bakah a hmunhma leh a building awm dan te endikin building leh quarter sak lai mek te an en bawk a ni.

PAC hi Legislative Assembly-a officer leh thawktu thenkhat te leh Health & Family Welfare Department thawktu thenkhat te'n an tawiawm a ni.

